

LA EPISTOLA DEL APOSTOL SAN PABLO A FILEMON YA'A KUU CARTA JA NI CHAA SAN PABLO APOSTOL NUU FILEMON

¹ Máá-rí kúu Pablo, te kándee-ri vekaa ja sikí Jesucristo te jíín ñaní-yo Timoteo katájí-rí tutu yá'a nuu-ro Filemón, chaa maní jíín-rí kúu-ró, te chíndéé tá'an-ró jíín-rí. ² Suni káchaa-ri tutu yá'a nuu Apia, ña'an maní jíín-ró, jíín núu Arquipo, chaa chíndéé tá'an jíín-rí sikí tíñu kándukú ndéé-rí yá'a, jíín núu tíku'ní kákandíja ío iní ve'e-ró jián. ³ Tu'un luu ío iní-ya jíín tú'un kuaká'nu iní ja kíi nuu máá Táa-yo Dios jíín já kíi nuu máá Jít'o'-yo Jesucristo ná koo jíín-ró jíná'an-ró. ⁴ Nákuatá'ú-rí nuu Dios máá-rí, te nene núk'y'un iní-ri róó, nú jikán ta'u-rí nuu-yá. ⁵ Chi a jíni so'o-ri ja bueno kákundá'ú iní-ro táká ñayiví ndóo, te kándíja va'a-ró núu máá Jít'o'-yo Jesús. ⁶ Te jikán-ri nuu-yá náv'a'a nú kájani-ró tú'un te ná skándíja va'a-ró-i, te kuni kájí-i táká tiñu va'a káñava'a-yó jíín Cristo Jesús. ⁷ Chi kákusií xáqan iní-ri, te ká'io ndéé iní-ri, ja súan kákundá'ú iní-ro-i, chi ja róó ñáni, te ni nani'in-gá iní aňú ñayiví ndóo.

Ja ní ka'an Pablo ja'a Onésimo

⁸ Núsáá te vasa kuu chundéé iní-ri, sá'a Cristo, ja tá'u-rí tiñu nuu-ro núu, ja ná skíkuu-ró tíñu va'a, ⁹ chi sua va'a-ga ná ká'an nda'ú-ri jíín-ró já jíín sikí já maní-ro jíín-rí, jíín sikí já rúu kúu

Pablo, chaa ni yii jíín já kándee-ri vekaa ja sikí Jesucristo. ¹⁰ Núsáá te ká'an nda'ú-ri jíín-ró já ná sá'a-ró túká'nu iní-ro núu sé'e-ri Onésimo, chi a ni skándija-ri-i nini kándee-ri vekaa. ¹¹ Te suchí yá'a, tú ní ní'in tíñu-i nuu-ro sáá, ko vina, chi bueno ní'in tíñu-i nuu-ro jíín núu-ri. ¹² Te ná nátají-ri-i najaq-i nuu-ro. Te kuatá'ú-ri-i, nátu'un ruu, chi iin-ni kákuu-ri jíín-i. ¹³ Te kúsií iní-ri ja kúnchaq-i jíín-rí te kuu-i yu'u núu-ro kuátiñu-i nuu-ri núu, nini kándee-ri vekaa ja sikí máá tú'un va'a. ¹⁴ Ko tú ní kuní-ri sá'a-ri súan, onde nú tú kuatú'un máá-ró, chi nasu stétuu-ri róó sá'a va'a-ró, chi sua sikí já játa'an iní-ro. ¹⁵ Chi sanaa te ja sikí yúán kúu ja ní jinu-i ní jito-i róó yakü tiempo ní sá'a-yá, náva'a kuu naki'in-ró-i te ma síq tá'an-ró jíín-i níi káni. ¹⁶ Te ma káni-ga iní-ro já mozo kúu-i, chi va'a-ga koo-ró jíín-i vásá jíín mozo nátu'un mani-ro jíín iin ñani-ro, chi súan jáni iní-ri jito-ri-i. Ko ví'i-gá kúu máá-i nuu máá-ró ja sikí tá'an-ró kúu-i jíín já sikí máá Jít'o'-yo. ¹⁷ Núsáá te nú jiní máá-ró já cháa chíndéé tá'an jíín-ró kúu-ri, te ná kuatá'ú-ri-i, nátu'un ruu núsáá. ¹⁸ Te nú naún falta ní sá'a-i jíín-ró, xí taú-i nuu-ro, te sikí máá-rí ná chí'i-ró cuenta. ¹⁹ Máá-rí kúu Pablo, cháa-ri tutu yá'a jíín ndá'a máá-rí, te máá-rí chunáá. Súan ká'an-ri lugar ja ká'an-ri ja súni onde jíín máá-ró jíín añú-ro taú-ro núu-ri. ²⁰ Jándáa ñáni, kuní-ri ja ná kúsií iní-ri sá'a-ró sikí tíñu máá Jít'o'-yo. Te ná náni'in-gá iní-ri sá'a-ró jíín máá Jít'o'-yo. ²¹ Cháa-ri tutu yá'a nuu-ro, chi kúva'a iní-ri ja kuándatu va'a-ró, te jiní-ri ja skíkuu-ga-ro vásá já ní ka'an-ri jíín-ró. ²² Te suni kuní-ri ja sátu'a-ró

nú kúnchaaq-ri, chi ñúkuu inq-ri kenda-ri yá'a te jaq-ri nuu-ro, sá'a-yq jíín tú'un jíkán ta'uq-ro já'aq-ri.

23 Te Epafras, chaqá kándee ta'qan jíín-ri vekaqá yá'a ja síkí Cristo Jesús, ká'aq-de ja násandéé inq-ro.

24 Te Marcos, Aristarco, Demas, jíín Lucas, chaqá kásátiñu ta'qan jíín-ri, suni súan káka'qa-de. 25 Tuq'un luu ío inq máá Jíto'q-yo Jesucristo ná kóo inq-ro. Súan ná kóo. Amén.

**Testamento jaa maa jitoho-yo Jesucristo
New Testament in Mixtec, San Miguel el Grande
(MX:mig:Mixtec, San Miguel el Grande)**

copyright © 1951 Wycliffe Bible Translators, Inc.

Language: Mixtec, San Miguel el Grande

Translation by: Wycliffe Bible Translators, Inc.

Mixteco, San Miguel el Grande [mig], Mexico

Copyright Information

© 1951, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, San Miguel el Grande

© 1951 Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files
dated 29 Jan 2022

a7b2e4b3-7fe3-5b8e-b04c-0245065924f9